



GOLFKLÚBBUR AKUREYRAR



SKÝRSLA STJÓRNAR 2019

1. NÓVEMBER 2018 – 31. OKTÓBER 2019



STJÓRN OG NEFNDIR STARFSÁRIÐ 2018-2019

Aðalstjórn

Formaður:	Bjarni Þórhallsson	eitt ár
Varaformaður:	Jón Steindór Árnason	eitt ár
Ritari:	Sigurður Skúli Eyjólfsson	seinna ár
Gjaldkeri:	Guðlaug M. Óskarsdóttir	fyrri ár
Meðstjórnandi:	Eygló Birgisdóttir	fyrri ár

Varamenn í stjórn

1. varamaður	Vigfús Ingi Hauksson	eitt ár
2. varamaður	Viðar Valdimarsson	eitt ár

Vallarnefnd (GSÍ)

Heimir Jóhannsson
Jón S. Hansen
Karl Guðmundsson
Sverrir Þorvaldsson
Halla Sif Svavarsdóttir
Pórunn Haraldsdóttir
Framkvæmdastjóri GA
Vallarstjóri GA

Afreks og unglínganefnd

Formaður: Heiðar Davíð Bragason
Anton Ingi Þorsteinsson
Harpa Hafbergisdóttir
Stefanía Kristín Valgeirsdóttir
Ágúst Ingi Axelsson
Valur Guðmundsson
Einar Hólm Davíðsson
Heiða Björk Sigurðardóttir

Kappleikjanefnd (GSÍ)

Formaður: Jón Heiðar Sigurðsson
Baldur Ingi Karlsson
Arinbjörn Kúld

Arctic Open nefnd

Viðar Valdimarsson
Halla Sif Svavarsdóttir
Arinbjörn Kúld
Eygló Birgisdóttir
Helgi Jónasson
Baldur Ingi Karlsson

Forgjafar og aganefnd (GSÍ)

Formaður: Björn Axelsson
Eiður Stefánsson
Stefán Jónsson

Nýliðanefnd

Heiðar Davíð Bragason
Stefanía Kristín Valgeirsdóttir

Kvennanefnd

Bryndís Björnsdóttir
Aníta Jónsdóttir
Björg Konráðsdóttir
Harpa Ævarrsdóttir
Kristveig Atladóttir
Linda Hrönn Benediksdóttir

Húsnefnd

Þorsteinn Konráðsson
Baldur Ingi Karlsson
Jón Vídalín

Skoðunarmenn ársreikninga

Sveinn Pálsson
John Júlíus Cariglia



SKÝRSLA FORMANNS

Ég býð ykkur öll velkomin hingað á Jaðar á aðalfund GA starfsárið 2018-2019. Í upphafi fundar langar mig að biðja ykkur að minnst látinna félaga okkar sem létust frá síðasta aðalfundi. En það eru þau Guðrún Björg Harðardóttir sem lést þann 19. janúar, Stefán Haukur Jakobsson sem lést 27. apríl, Guðríður Þorsteinsdóttir sem lést 2. júlí og Ólafur Búi Gunnlaugsson sem lést þann 15. nóvember. Ég bið fundargesti að rísa á fætur og minnst þeirra.

Kæru GA félagar ég vil byrja á því að þakka öllu samstarfsfólki, stjórnarmönnum, nefndarmönnum, starfsmönnum, veitinga manningunni okkar og öllum þeim fjölda sem lagt hafa mikla vinnu á sig fyrir félagið sitt. Mig langar sérstaklega að þakka þeim, ásamt félagsmönnum öllum fyrir gott samstarf á starfsárinu. Framkvæmdastjórinn okkar, Steindór Ragnarsson, sýndi og sannaði á árinu að hann er rétti maðurinn í starfið. Golfkennararnir okkar þau Heiðar Davíð og Stefanía Kristín eru búin að vinna ótrúlegt starf við að fjölga ungum kylfingum. Þannig að framtíðin er björt og það á eftir að vera mjög spennandi að vinna með þessum nýja hóp sem er að koma inn í félagið. Ég held að við öll höfum tekið eftir auknum fjölda unglinga á vellinum síðasta sumar, sem er ótrúlega ánægjulegt.

Uppbygging á þar 3 vellinum okkar er nú lokið og hefur það sýnt sig að fleiri og fleiri nota hann. Bæði ungir sem eru að byrja í golfi eins þeir sem vilja æfa stutta spilið. Eins var unnið að því að laga meira til á æfingarsvæði félagsins.



Mynd 1: Mynd e. Dave Sansom

Einnig var á árinu haldið áfram að lagfæra húsakost félagsins og langar mig að þakka þeim fjölmörgu sem að því komu. Sérstaklega þeim sem tóku að sér að laga þakið á turnunum. Nú



Í haust var síðan hafist handa við að leggja göngustíg meðfram götunni að Jaðri. Ásamt því að þar er sett upp lýsing. Þannig að nú nýtist stígurinn í gegnum völlinn betur en þarna kemur tengin upp á hann.

Á árinu var haldið áfram að byggja upp unglíngastarf félagsins og er mér mikil ánægja að segja frá því að nú í lok starfsárs æfa nær þriðjungur fleiri ungmenni golf hjá félaginu en gerðu ári áður og er þetta annað árið í röð sem svona fjölgun er. Fjöldi GA félaga er komin yfir 800 í fyrsta skipti í sögu félagsins en það sem er óvenjulegt er að nær öll fjölgunin er hjá 18 og yngri. Það má því reikna með að oft verði fjölmennt í golfhöllinni. En í vetur hefur æfingum í inni aðstöðu okkar verið fjölgað verulega vegna þessa.



820 skráðir félagar í klúbbinn

Þar af 793 með GA sem aðalklúbb



Aldursskipting GA félaga

18 ára og yngri: 242

19-30 ára: 39

31-50 ára: 146

51-66 ára: 243

67 ára og eldri: 151

Síðasti vetur var okkur GA félögum góður og völlurinn kom mjög vel undan vetri. Það opnaði óvenju snemma og í sumar var völlurinn opin í meira en 5 og hálfan mánuð og er það vel. Áfram var haldið vinnu við að bæta völlinn og þar má sérstaklega nefna brautir voru skornar til að bæta þær. Vinnu við dren var einnig haldið áfram og þar liggja næstu skref til að þurrka mýrarsvæði og fá þar með jafnari og betri grasvöxt. Því á þann hátt getum við skartað flottum keppnisvelli í allt sumarið.

Mótahald sumarsins gekk mjög vel og hélt GA eitt mót á Íslandsbankamótaröð GSÍ þar sem heimamenn stóðu sig mjög vel og alls unnu 5 unglíngar til verðlauna, og Andrea Ýr var sigurvegari í sínum flokki. Önnur stór mót sumarsins gengu mjög vel og fengum við mjög ánægjulegt hrós frá þátttakendum í þeim, bæði fyrir umgjörð og gæði vallarins. Meistaramót GA var haldið snemma í júlí og Akureyrar meistara voru þau Örvar Samúelsson og Stefanía Kristín Valgeirsdóttir og óskum við þeim kærlega til hamingju.

Eins og ég sagði í fyrra er nú að ljúka mörgum af þeim stóru verkum sem við höfum staðið í, svo sem uppbyggingu vallar og æfingasvæðis, þó að alltaf megi gera meira þá er grunnurinn kominn og nú er það meira viðhald sem stendur fyrir dyrum. Stækkandi félag þarf líka stærri



aðstöðu og því megum við ekki gleyma og nú er komið að því að taka næstu skref en nánar um það á eftir. Við ætlum að gera upplifun gesta okkar sem heimsækja Akureyri til að spila golf það eftirminnilega að þeir komi sem fyrst aftur. Og við megum ekki gleyma því að hingað koma mörg þúsund manns ár hvert til að spila völlinn. Vissulega hefur fjárhagsstaða félagsins liðið fyrir þessar miklu framkvæmdir. En eins og rekstur félagsins er í dag og glögglega sést í fjárhagsáætlun næsta árs, þá teljum við að félagið standi mjög vel og í árslok getum við með sanni sagt, „við erum komin yfir erfiðasta hjallann“ eftir mörg ár af mikilli vinnu við uppbyggingu.

Að lokum vona ég að veturinn verði öllum góður, jafnt mannfólki sem golfvöllinum, og við getum gengið glöð út á golfvöll sem fyrst á nýju ári. Þakka ég ykkur öllum fyrir liðið starfsár og sérstakar þakkir til starfsmanna sem unnu gríðarlega gott starf fyrir okkur á liðnu starfsári.

Takk fyrir
Bjarni Þórhallsson

SKÝRSLA VALLARSTJÓRA

Árið 2019 var mjög flott ár fyrir Jaðarsvöll. Golfvertíðin byrjaði með vinnudegi þann 5. maí þar sem vel var mætt og hin ýmsu mál leyst. Jaðarsvöllur var svo opnaður 7. maí í frábæru ásigkomulagi, segja má að grassvæðin hafi verið mánuð á undan meðalárinu í gæðum.



Vinnudagurinn er alltaf mjög mikilvægur fyrir starfsmenn og kylfinga, góður vinnudagur skilar sér langt inn í sumarið þegar vel tekst til. Þökkum við þeim frábæru sjálfbóðaliðum sem ávallt mæta og taka til hendinni við völlinn, rúmlega 60 manns mættu þetta árið.

Dúddisen völlurinn var opnaður 29. apríl, en hann gegnir mikilvægu hlutverki í okkar starfsemi. Notkun hans eykst jafnt og þétt sem er mikið gleðiefni fyrir okkur hjá GA.

Áhersla var lögð á aukin grasgæði og mikla snyrtimennsku sem skilaði sér í mikilli ánægju kylfinga sem sóttu Jaðarsvöll í sumar. Veðurfar var frekar hægstætt fyrir völlinn alveg fram í ágúst þegar eins og árið áður blotnaði verulega í vellinum og urðu nokkrar brautir mjög blautar. Það er því ljóst að halda þarf áfram með drenframkvæmdir á 5 brautum eða brautarhlutum. Stefnt er að grafa dren í þessar brautir á næstu tveimur árum.



Völlurinn lokaði síðan formlega mánudaginn 21. október og var því völlurinn opinn í fimm og hálfan mánuð árið 2019. Samstarf okkar hélt áfram á Lundsvelli ásamt því að sjá um umhirðu á knattspyrnuvöllum KA og Þórs. Þökkum við þeim fyrir frábært samstarf.

Með kveðju,

Steindór og Gunnar Ernir

SKÝRSLA KAPPLEIKJANEFNDAR


Mótahald sumarsins 2019 gekk vel og voru fjölmargir kylfingar sem lögðu leið sína á Jaðarsvöll til að taka þátt í fjölbreyttum mótum á vegum GA. Opnunarmót GA var haldið 18. maí, tveimur vikum fyrr en sumarið áður og tóku 68 kylfingar þátt í mótinu. Síðasta mót sumarsins var síðan haldið 6. október en það var Haustmót GA þar sem 70 kylfingar tóku þátt. Mótahald okkar spannaði því fjóra og hálfan mánuð þetta sumarið sem verður að teljast býsna gott. Bændaglíman var á sínum stað en hún var haldin í lok september þar sem rúmlega 80 GA félagar gerðu sér glaðan dag undir handleiðslu Heiðars og Stefaníu og var hart barist.



Mynd 2: Mynd e. Dave Sansom

Akureyrarmótið var haldið 10. júlí og voru það þau Stefanía Kristín og Örvar Samúelsson sem urðu Akureyrarmeistarar í meistaraflokki. Bæði Örvar og Stefanía voru að vinna titilinn í fimmta skiptið á sínum ferli, virkilega vel gert hjá þeim báðum. Um miðjan júlí var haldið unglíngamót GSÍ á Jaðarsvelli þar sem, Andrea Ýr sigraði í 17-18 ára flokki kvenna

Að venju voru mörg stórmótin í ágústmánuði en má þar helst nefna Icewear bombuna, Hjóna- og paramót Golfskálans og GA, Höldur Open og Landsmót Oddfellowa. 158 þátttakendur voru í bombunni, 192 í hjóna- og parakeppninni, 144 í Höldur Open og 127 í Landsmóti Oddfellowa. Svokölluð stórmót má kalla þessi mót og var því nóg um að vera í ágústmánuði en fleiri mót voru einnig haldin.



Tafla 1: Á súluritinu má sjá spilaði hringi á Jaðarsvelli




Við hjá GA viljum þakka þeim fjölmörgu styrktaraðilum sem gerðu okkur kleift að halda eins glæsileg mót og raun ber vitni en án þeirra væri þetta ekki hægt. Einnig viljum við þakka þeim sjálfboðaliðum og því starfsfólki sem lagði lóð sín á vogarskálarnar þetta sumarið. Við viljum gera enn betur og hlökkum til að bæta í fyrir árið 2020 í mótahaldi GA.

F.h. Kappleikjanefndar, Jón Heiðar Sigurðsson.

SKÝRSLA ARCTIC OPEN NEFNDAR

Arctic Open mótið fór fram dagana 19.-22. júní og má sjá nefndarmeðlimi hér fremst í skýrslunni. Helstu samstarfsaðilar mótsins voru Flugfélag Íslands, Isavia, MS, FootJoy á Íslandi og Toyota á Íslandi. Við hjá GA viljum þakka þessum sérstaklega fyrir stuðninginn ásamt öðrum samstarfs- og styrktaraðilum. Rétt um 200 þátttakendur voru skráðir í mótið í sumar en færri útlendingar mættu en von var á og ætlum við að bæta það á næsta ári. Völlurinn var í algjöru toppstandi þegar mótið hófst og eiga vallarstarfsmenn sem og veðurguðirnir miklar þakkir skildar fyrir þeirra störf í aðdraganda mótsins.



Mynd 3: Mynd e. Dave Sansom

Fjöldi lagði leið sína upp á Jaðar á miðvikudagskvöldinu í opunarhátíð mótsins þar sem mótsgögn voru afhent og boðið upp á smárétti og drykki. Góð stemming myndaðist og var árlega drive-keppnin á sínum stað þar sem Elfar Halldórsson fór enn og aftur með sigur úr bítum í töluverðum mótvindi. Á lokahófinu var síðan hinn eini sanni Gummi Ben veislustjóri og Rúnar Eff kíkti við og tók nokkra slagara af sinni alkunnu snilld og var stemmingin og gleðin svo sannarlega við völd. Keppt var í fjórum flokkum líkt og undanfarin ár en þeir eru



opinn flokkur án forgjafar, með forgjöf, konur án forgjafar og 55 ára og eldri án forgjafar. Einnig var liðskeppni meðfram mótinu þar sem fjórir kylfingar mynduðu lið og þrjú bestu skorin giltu hvorn daginn. Í sigurliðinu þar voru þeir Arnar Árnason, Víðir Steinar Tómasson, Eggert Jónsson og Guðjón Ármann Guðjónsson. Ólafur Auðunn Gylfason varð Arctic Open meistari 2019 með 80 punkta, Sigurbjörn Þorgeirsson vann högggleikinn á 140 höggum eða tveimur höggum undir pari vallarins. Gauti Grétarsson fór með sigur úr bítum í flokki 55 ára og eldri á 151 höggum og það var síðan hún Anna Jódís Sigurbergsdóttir sem vann högggleik kvenna á 160 höggum.

Arctic Open nefndin vill þakka fyrir mótið í ár og þeim fjölmörgu sjálfboðaliðum sem hjálpuðu til við að hafa mótið eins glæsilegt og það var en töluverð vinna liggur á baki að halda mót af þessari stærðargráðu. Við hlökkum til Arctic Open 2020 og erum strax byrjuð að vinna þá forvinnu sem þarf til að halda því flotta starfi áfram sem hefur verið unnið undanfarin ár.

F.h. Arctic Open nefndarinnar, Jón Heiðar Sigurðsson.

SKÝRSLA KVENNANEFNDAR

Kvennastarf GA hófst með hefðbundnum hætti með vorkundi þann 11. apríl. Á þeim fundi var kynnt ný kvennanefnd. Þær Harpa Ævarrsdóttir, Kristveig Atladóttir og Linda Hrönn Benediktsdóttir héldu áfram störfum en þær Anna Pálína Jóhannsdóttir, Hrefna Svanlaugsdóttir og Ragnhildur Jónsdóttir gengu úr nefndinni og voru þeim þökkúð vel unnin störf síðustu tvö árin. Í þeirra stað komu inn í nefndina þær Aníta Jónsdóttir, Björg Konráðsdóttir og Bryndís Björnsdóttir. Á fundinum var farið yfir sumarið framundan auk þess sem Stefanía Kristín golfkennari kynnti fyrirhugaðar æfingar fyrir kylfinga GA.

Kvennanefnd stóð fyrir hinu hefðbundna vön/óvön kvennaspili þrisvar í sumar, 10. júní, 8. júlí og 19. ágúst. Ýmsar útgáfur af golfi voru spilaðar og áherslan lögð á að bjóða nýjar konur velkomnar, gefa þeim tækifæri til að spila með þeim sem eru vanar og síðan en ekki síst að hafa gaman saman. Um 40 konur mættu hverju sinni og mjög ánægjulegt sjá þar mörg ný andlit.

Hið árlega Hatta- og pilsamót var haldið þann 26. júlí og var það haldið í þritugasta skipti. Þann dag rigndi meira en nokkurn annan dag í sumar en rétt á meðan spilið stóð yfir stytta upp og rúmlega 40 konur í sínu fínast þússi og skemmtu sér hið besta á vellinum. Spiluð var 9 holu punktkeppni þar sem voru verðlaun fyrir 3 efstu sætin en einnig veitt verðlaun fyrir ýmislegt annað óvænt. Í tilefni afmælisins safnaði nefndin saman myndum frá fyrri Hatta- og pilsamótum og lét rúlla eftir spilið yfir góðum veitingum frá Vídalín-veitingum. Það var sérstaklega skemmtilegt að með okkur þetta kvöld voru 4 konur sem tóku þátt í fyrsta mótinu fyrir 30 árum.



Mynd 4: Mynd e. Dave Sansom

Í lok sumars eða 7. september var farið í haustferð. Að þessu sinni var farið í dagsferð á Sauðárkrók þar sem við fengum góðar móttökur. Sauðkrækingar skipulögðu 18 holu golfmót fyrir okkur sem spilað var í töluverðum vindi en nánast spánarhita. Að móti loknu var dýrindismatur og almenn gleði að hætti golfkvenna á Kaffi Krók. Þátttaka í ferðina var góð eða rúmlega 40 konur.

Sumarið var gott og erum við fullar bjartsýni á áframhald kvennastarfs GA. Við þökkum gott samstarf við starfsfólk GA og Vídalín-veitingar og vonumst til að framhald verði þar á. Einnig ber að þakka þeim sem styrktu okkur með góðum verðlaunum og öðru sem gerði okkur kleift að halda úti sumarstarfinu.

Takk fyrir okkur,

Kvennanefnd GA.



SKÝRSLA ÖLDUNGANEFNDAR

Starf eldri kylfinga var með hefðbundnu sniði, það er að undirbúa þátttöku í sveitakeppni. Öldungasveit karla keppti í Keflavík í efstu deild og náði þar fínnum úrslitum en þeir enduðu í 2.sæti í riðlinum sínum og þurfti síðan að sætta sig við tap gegn GR í undanúrslitum og enduðu í fjórða sæti efstu deildar. Óskum við þeim til hamingju með það.



Karlasveitina skipuðu þeir Valmar Valjaots, Björgvin Þorsteinsson, Jón Þór Gunnarsson, Haraldur Ringsted, Sverrir Þorvaldsson, Ólafur Auðunn Gylfason, Björn Axelsson, Kjartan Fossberg Sigurðsson og Jón Baldvin Hannesson.



Kvennasveitina skipuðu þær Birgitta Guðjónsdóttir, Linda Hrönn Benediksdóttir, Guðlaug María Óskarsdóttir, Þórunn Anna Haraldsdóttir, Fanný Bjarnadóttir, Eygló Birgisdóttir, Birgitta Guðmundsdóttir og Guðrún Sigríður Steinsdóttir

Konurnar okkar spiluðu einnig í efstu deild og áttu erfitt uppdráttar í riðlinum þar sem þær töpuðu öllum leikjunum sínum. Þær náðu svo að tryggja sér áframhaldandi veru í efstu deild með því að leggja GO í leik um 7. sætið. Við hjá GA erum ánægð með frammistöðu öldungasveita okkar og flott að hafa sveitir í efstu deild í báðum kynjum.



SKÝRSLA GOLFKENNARA

Æfingar hjá öllum flokkum voru fimm daga vikunnar í sumar og einnig var Golfskóli GA haldinn reglulega yfir sumarið þar sem þeir Tumi Hrafn og Víðir Steinar voru ráðnir til að hafa yfirumsjón með námskeiðunum. Iðkendum á aldrinum 18 ára og yngri hefur fjölgað í 240 og er það gríðarlega vel. Yngri kynslóðin var ekki ein um að vera dugleg að æfa sig því alls mættu 54 konur og 19 karlar á æfingar sem boðið var uppá fyrir almenna kylfinga yfir sumarið. Æfingar fatlaðra héldu sér einnig einu sinni í viku en hópurinn samanstendur af 5 einstaklingum sem sækja æfingar hjá GA reglulega allt árið kring. Auk þess var haldið út æfingum fyrir öldungasveitirnar þegar leið á sumarið og Íslandsmót golfklúbba nálgast.

Á Norðurlandsmótaröðinni var Golfklúbbur Akureyrar iðulega með meirihluta. Alls voru 51 ungmenni sem tóku þátt í einhverjum mótum Norðurlandsmótaraðarinnar en þar af mættu 20 á öll mótin og mest tóku 41 iðkandi frá GA þátt í mótinu á Ólafsfirði. Þriðjudagsmótaröðin var einnig á sínum stað þar sem 26 iðkendur spiluðu 9 eða 18 holur á Jaðri.

Á Íslandsmótum golfklúbba átti Golfklúbbur Akureyrar sveitir í 1. deild alls staðar þar sem við sendum sveitir fullorðinna og 3 af 4 sveitum barna og unglunga fóru í undanúrslit sem sýnir stöðugan vöxt og uppgang í starfinu. Úrslit allra sveita voru eftirfarandi:

Sveit stúlkna 15 ára og yngri endaði í 3. Sæti

A sveit drengja 15 ára og yngri endaði í 4. Sæti

Blönduð B sveit drengja og stúlkna 15 ára og yngri endaði í 13. Sæti

Sveit 18 ára og yngri pílta endaði í 4. Sæti

Karlasveit GA endaði í 5. sæti í 1.deild

Öldungasveit karla endaði í 4. sæti í 1.deild

Öldungasveit kvenna endaði í 7.sæti í 1.deild



Mynd 5: Mynd e. Dave Sansom



Yngri iðkendur okkar héldu áfram að standa sig vel á Íslandsbankamótaröðinni og áttum við keppanda á verðlaunapalli í öllum mótum. Í heildina voru börn og unglingar í GA 13 sinnum á verðlaunapalli í sumar sem er aukning frá síðasta sumri og 7 verðlaun af þessum 13 voru í Íslandsmótum, hópurinn sem er að komast á pall er einnig að breikka sem er jákvætt. Á Öldungamótaröðinni náðu kylfingar GA ágætum árangri þar sem Ólafur Gylfason varð í 3. sæti í öðru móti mótaráðarinnar og enduðu þeir Björgvin Þorsteinsson jafnir í 8. sæti í flokki 50+ á Íslandsmóti öldunga.



Heilt yfir erum við þjálfarar hæstánægðir með þær framfarir sem hafa orðið í starfinu og þá fjölgun sem hefur verið síðastliðinn vetur og sumar. Við lentum í raun í smá vandræðum yfir hásumarið við að anna öllum þeim fjölda sem mætti á æfingar hjá GA, en það er frábært vandamál sem við erum spennt að takast á við.

Við viljum þakka öllum iðkendum, félagsmönnum, barna- og unglinganefnd og stjórn klúbbsins fyrir gott samstarf á liðnu ári og vonum að komandi ár verði enn betra!

Heiðar Davíð og Stefanía Kristín